

դնել 'ի գործադրութեան, եւ զգուշանալ 'ի հակառակէն  
 և զընդդէմն գործելոյ, որոյ վասն գրեցաւ Կայսերական  
 հրովարտակս, 'ի հասանիլ սորա եւ այլն. 'ի ՎՕ Շէվիալ  
 ամսոյ . 1778:

Յետ ընթեանլոյ զհրովարտակն՝ եհարց Դատաւորն ցը-  
 Յոյնս . ո՞ւր է հիւսիսային դուռն Այրին և բանալի նորին .  
 նոքա ցուցին զայն, բայց զբանալին ոչ . դարձեալ ասէ՝  
 'ի հրովարտակին դուռն և բանալի նորին գրի եւ Այրն  
 բաժանորդ երկուց ազգաց, եւ դուք տիրեալ էք երկց  
 դրանց եկեղեցւոյն եւ բանալեաց նոցին, Հայք ուսալի՞  
 մտցեն եւ ելցեն յԱյրն . զի ըստ օրինի պարտ է ցուցանել  
 նոցա ճանապարհ . վասն որոյ տուք զմի բանալի հիւսի-  
 սային դրան եւ միւսն մնացէ սու ձեզ, Հայք ոչ առին  
 յանձն, այլ խնդրէին զայն դուռ միայն սեփհականել  
 ինքեանց . բայց Դատաւորն լռեցոյց զնոսա, և նոքա դար-  
 ձեալ պնդէին, թէ եկեղեցին ոչ է սեփհական Յունաց .  
 այլ գիւղին Բեթղեհէմի եւ միջնորմն այն նորասահման՝  
 սակս անկարգութեան Ֆէլլահից, և չիք յիշատակութիւն  
 նորին 'ի հրովարտակս երկուց ազգաց . կամ պարտ է բառ-  
 նալ զայն և կամ զդուռն սեփհականել Հայոց: Դատաւորն  
 ոչ մատուցեալ ունկն բանից նոցա, ասէ ցՅոյնս բերել  
 զբանալիս դրան, և նոքա ասեն՝ մի է բանալի նորին, և  
 յարտաքուստ չունի տեղի բանալոյ: Հրամայեաց Դատա-  
 ւորն բառնալ զայն . Յոյնք ոչ ունէին զայլ փականս, այլ  
 Հայք յառաջագոյն պատրաստեալ էին զայն և հիւսն, քա-  
 կեցին զհինն և բեւեռեցին զնորն երկու բանալեօք, եւ  
 բացին յարտաքուստ տեղի բանալոյ և փակելոյ, եւ բե-  
 բեալ զերկոսին բանալիսն եդին առաջի Դատաւորին . և  
 նորա առեալ զմին ետ ցփոխանորդն Յունաց եւ զմիւսն  
 ցփոխանորդն Հայոց Ստեփան եպիսկոպոս, պատուիրելով  
 վարիլ իբրեւ եղբայր և օրհնել զԱրքայ, Եհաս ծամ ճաշե-  
 լոյ՝ յետս կացին Յոյնք . այլ Հայք պատրաստեալ էին  
 զամենայն ինչ:

Զկնի կերակրոյ մինչ չըջէին 'ի սինազարդ գաւթի ե-  
 կեղեցւոյն, մատուցեալ Հայք առ Դատաւորն ասեն վասն  
 փայտեայ միջնադրան, կամ խսպառ բառնալ զիականս նո-  
 րա, և կամ տալ զմի բանալի ըստ Յունաց . զի 'ի փակել